

KUHETA CHIKOLO

CHA MUKAKOLE

HANYIMA YA CHESEKO

 Kulikomokela ech...Munatachikiza, Ngukwechi chishinganyeka chachindende, nge, kumona vathu kwimana omwo etu natutanga eli Lizu. Kamweshi kuzanga chizeko? Etu tunema kushika kujina, etu kwimana ha lifuchi, mwomwo ika kwimana ha Lizu jino?

² Shimbu etu tunema mumunyutu kaha. Ngwapwile nakutanga mukanda, keshi keshi kunyima chikumako, kaha Ngwapwilenga nakushinganyeka ufuku unahichi hali vaze vathu vaze vanemanyina Kulishitu. Kachi ove kawachilingileko, kaweshi kuchilinga lelo ko?

³ Kuze kwapwile mukakwambulula wamunene, ha myaka sevete faifi kunyima, Kangweshi kuhasa kushinganyeka lijina lyenyi. Ngwashinganyeka apwilenga Arthur McCoy, kaha ikiye azaukile lize lifuchi. Kaha ufuku umwe ikiye apwile na chilota chize ikiye ayile ku Upahu. Kaha ambile ngwenyi ikiye ayile ku Chikolo, kaha ikiye ambile ngwenyi kavamwitilile ikiye kwingilako. Kaha ambile ngwenyi Ikiye ambile ngwenyi, "Yami Arthur McCoy kufuma ku United States. Ngwapwilenga mukakwambulula."

⁴ Shikaho mukakulama kuchikolo engililemo, (jino chize chapwilenga chilota), kaha ikiye engililemo, ambile ngwenyi, "Kangweshi nakuwana lijina lyoveko."

Ikiye ambile ngwenyi, "Chamwaza, Ngwapwilenga mukakwambulula."

Ikiye ambile ngwenyi, "Mwane, Ngwa..."

⁵ Ikiye ambile ngwenyi, "Chamwaza, kuli lihanya lya... Kuli chuma chimwe chakuhenga."

⁶ Ikiye ngwenyi, "Nduma, mwane. Ngukwechi Mukanda hano. Kangweshi nakuwana lijina lyove mumweko."

Kaha ikiye ambile ngwenyi, "Chamwaza, kutala Nanguhasa kulichuma chimweko hali chize?"

⁷ Ikiye ambile ngwenyi, "Ove unahase kutwala mulonga wove Kulitanda Litoma lya Kusopesa." Kalunga, ngukafwe. Kangwatondele kupwa kuzeko.

⁸ Ikiye ambile ngwenyi, “Chamwaza, kachi chize chinapu latalililo lwami, Ngwashinganyeka Nanguya kaha nakutwala mulonga wami jino.”

⁹ Kaha ambile ngwenyi jino ikiye ashinganyekele nge anyile kwakusuku, kaha jino... Kaha ikiye aputukile, ambile ngwenyi kwapwile milima, kaha kwapwile zwalala na zwalala, kaha ambile ngwenyi echi chinasoloka nge kuze kwapwilenga chihela kuze kwapwile kwemanyine Kumunyika, oloze chapwile hakachi Kacho. Kaha ambile ngwenyi Ikiye ambile ngwenyi, “Hiya alinakwiza ku Litanda Lyami lyu Kusopesa?”

¹⁰ Ikiye ambile ngwenyi, “Yami Arthur McCoy. Ngwapwa mukakwambulula, ngwatumine myono yayivulu mu Wangana.”

Ikiye ambile ngwenyi, “Lijina lyove kavaliwananga mu Mukanda ko?”

“Nduma.”

Ambile ngwenyi, “Kahajino ove uneza ku Zango Yami?”

“Eyo, mwane.”

¹¹ “Ove nauya nakutambula chiyulo. Nanguya nakukusopesa ove na jishimbi Jami. Arthur McCoy, ove wambulula lyehi makuli?”

¹² Ikiye ambile ngwenyi, “Ngwashinganyeka Ngwapwile muthu wa mwaza palanga nomu Ngwemanyine muze mu Kumunyika.” Ikiye ambile ngwenyi, “Ooze mu Kupwa cha Kumunyika, Ngwapwilenga mukashili.” Etu natuya nakupwa ngachize. Ove unahase kwivwa kukingiwa jino, oloze vandamina kuvanga uneza Kuze. Naushinyeka ngachilihi omwo uli nakwivwa omwo Ikiye ali wakuwaviza? Omwo mwivwa kukeha! Nachiya nakupwa ngachilihi ha kupwa ku Litanda Litoma lyu Kusopesa?

Ikiye ambile ngwenyi, “Kutala wahanjika lyehi makuli?”

¹³ Ikiye ambile ngwenyi, “Ngwashinganyeka nge Ngwapwilenga na wamuchano, oloze chuma vyavindende vize Ngwashinganyekele nge makuli atoma amandende, ejile nakupwa vavanene na kulava Kuze.”

Ikiye ambile ngwenyi, “Eyo, mwane, Ngwambululaho lyehi makuli.”

Ikiye ambile ngwenyi, “Kutala wevile lyehi?”

¹⁴ Ikiye ambile ngwenyi, “Ngwashinganyekele nge Ngwapwile wakushishika hali chize, kaha kanda lyehi ngwivenga,” oloze ambile ngwenyi, “kupwa Kumeso chize Kumunyika, Ngwa—Ngwatachikijile nge kwapwile vyuma vimwe vize Ngwakokele, chize kachapwilenga chakwoloka.”

Ikiye ambile ngwenyi, “Eyo, mwane, Ngweva lyehi.”

Ikiye ambile ngwenyi, “Kusopesa Chami...”

¹⁵ Kaha ikiye apwile wakulizanga kwivwa mulonga wenyi, “Fuma kuno uyenga mukakahya kahaya myaka kaze vawahisa lyehi kali liyavolo na vangelo jenyi,” ambile ngwenyi kala chifuwa chapwile nakutomoka kuli chimwe nachikwavo.

¹⁶ Ambile ngwenyi, “Ngwevvile Lizu liyema Ngwevvile lyehi mu chiyyoyelo chami.” Ikiye ambile ngwenyi, “Omwo Ngwalumukile nakutala, Ngwamwene chihanga chiyema kanda lyehi Ngumone; kuyema kuhambakana chihanga cha mama, lizu liyema kuhambakana lya kusanyika cha mama.” Ambile ngwenyi, “Ngwatalile nakujinguluka. Ngwevvile Lizu, kuhanjika, ‘Tata, mukiko vene, ikiye ambulwile makuli kaha ikiye kapwileko wakushishika. Ooze, hamavu ikiye angwimanyinyineko Yami,’ ambile ngwenyi, ‘jino Nanguya nakwimana muchihela chenyi.’”

¹⁷ Omu mukiko Ngwatondo kusoloka Kuze. Ngwatondo kumwimanyinako Ikiye jino, chize, omwo luze lwola nalukeza, Ikiye emanyine muchihele chami.

¹⁸ Echa tutangenu kufuma mu Kuputuka 22:15, vasi 16, 17, na 18.

*Kaha kangelo ka YEHOVA amutambakanyine
Apalahama kamuchivali muze apwile mwilu.*

*Ambile ngwenyi, YEHOVA nambe ngwenyi,
Ngunalishingi ami Lyavene ngwami, mwomwo unalingi
chuma chino nakuzeneka kungumina mwanove,
mwanove umwe kaha lyauabwe:*

*Shikaho Nangukukisula ove,...kaha nanguvulisa
Nanguvulisa vakatanga yove nakuvavulisa nge
vatanganyika va mwilu, nge musekulula uze wa
kungenge yakalungalwiji; mukatanga yove mwakaheta
chikolo cha vakakole jenyi;*

*Kaha muli mukatanga yove vaka mafuchi ahamavu
vosena navakamona kutokwa; mwomwo unononoka
muli mu lizu lyami shikaho.*

Echenu tulombe.

¹⁹ Tata wa Mwilu, mbata jino echi kutanga, Mwata, na kutuzachisa etu. Echa Shipilitu Wajila ambate awa Mazu, Mwata, kuwahaka mukala muchima. Chize nachilingisa kuliwana na kutondeka chetu musana uno, mwomwo vakiko valivavanene, Mwata. Kaha Ove watulwekele etu kulomba mukulisala, mangana kuwahlilila chetu chpwe chakuzalilila. Etu twalombo echi mu Lijina lya Yesu. Amena.

Munahase kupwa kutwama.

²⁰ Kachi nge Nanguvuluka echi kupwa mutwe wachihande, ha tando yayindende. Lizu lyami lili lya kuzeya, shikaho ou ukiko mulonga Ngunemanyina kuno ku microphone. Ngunatachikiza nge kuli kukashiwa, oloze etu kuyanda chindende. Ngwatondo

kuuvuluka: Kuheta Chikolo Cha Mukakole Hanyima ya Cheseko.

²¹ Ukalu wetu kusokolola hali chimwe kuwaha cha Apalahama. Munatachikiza nge Apalahama uze tata wa va kushishika. Kaha lushiko alishikile na Apalahama. Kaha hakupwa vaswana na ikiye, kuhichila muli Kulishitu, inapu jila jimwe etu ya kutambula luze lushiko, kuhichila muli Apalahama. Jino, Apalahama apwile kaha muthu kala, oloze oloze ikiye apwilenga wakusanyika Kalunga na ikiye apwilenga wakushishika kuli chize kusanyika. Omwo Kalunga ahanjikile kuli ikiye, Apalahama kanda lyehi lwola lumwe kukakasana lize Lizu. Ikiye atwamine na Chize. Chipwethuhu chumamuka chachikakalu, ikiye atwamine na Chize.

²² Kaha jino ikiye vamushikile kupwa na mwana walunga. Kaha ikiye avandaminyine ha myaka twende faifi hakutambula uze mwana walunga, kuvuluka vyosena vyakulimbalaka kuli chize nge kavyapwileko. Kaha jino, kaha muli ou mwana walunga, visaka vyosena vya hamavu vyapwilenga vya kukisula hali chize. Kaha uze kakuluka apwilenga wakushihika kukusanyika chenyi naku Lizu lya lushiko.

²³ Ikiye apwilenga wakutalilaho omwo etu twatela kupwa. Jino etu, hakupwa vafu muli Kulishitu, etu tunapu Mbuto ya Apalahama.

²⁴ Jino, kwapiwilenga mbuto jivali ja Apalahama. Imwe yacho yapwilenga mbuto ya chisemwa; ikwavo imwe yapwilenga Mbuto ya kulishipiliti. Imwe yacho yapwilenga ya chisemwa, ya kumusonyi wenyi; yikwavo imwe yapwilenga Mbuto ya halufwelelo wenyi, ha lufwelelo, mangana etu tupwenga Mbuto ya Apalahama ha Lizu lya lushiko.

²⁵ Kaha jino hanyima ya ikiye kufuma hakumweseka ha myaka yayivulu ya kuheta ku twende faifi, kaha, kachi azeye, oloze ikiye azamine mbe. Talenu, kachi echu kachasolokeleko mu mwaka watete, mumwaka washishileho nachiya nakupwa chikomwesa chachinene, mwomwo chapwilenga myaka yivali. Kaha ikiye alumbikile ize myaka, omu apwilenga nakukula, kaha mujimba wenyi wapwilenga nakufwa. Aze majimo a Sala, lize lijimo, mokomoko (lyapwile) lya kuzeneka wilo. Kaha shikangaho ngolo jenyi jamufumine, kaha kwapiwilenga... Chize chapwilenga kupwa nge chachikalu.

²⁶ Enu mwashinganyekaho lyehi ocho chuma Kalunga alingile? Talenu, Ikiye kachilingilile thuhuko kulingisa lijimo lijimo kupwa lya wiloko. Mwomwo, anuka, kachi Ikiye alingile muze, kahajino anuka kachi Ikiye alingile muze...vakiko kavapwilenga nakulikangula kana etu tuli nachoko na mitumwa yakukosa kanawa, mumakumbi kana, mwakuhanyina kemba, mavele akufuma kuli ngombe. Talenu? Ikiye nawwa apwilenga na... Mishisa ya mavele eyi apwilenga akuma lyehi.

Shikaho Ikiye—Ikiye kahashile kupwa na... Kuze kwatelele chumachimwe kusoloka.

²⁷ Kahajino, tala hali uze pwevo, na myaka handulendi yakusemuka, kwingila mumisongo yakusema. Muchima wenyi kawahashile kuundako. Chapwilenga chachikalu jino kuli pwevo, na myaka fwote yakusemuka, kulinga chize. Muchima wenyi kawahashile kuundako. Shikaho munatachikiza chuma muka Ikiye alingile? Kachi namatalisa kanawa...

²⁸ Jino Ngunatachikiza vavavulu munahase kuhamika echi. Kachi echi chili chakwoloka kuhanjika echi kuhanjika? Talenu, Ngwa... Echi nachiya nakupwa vene omu mwaya kushinganyeka chami.

²⁹ Talenu, eyi Mbimbiliya eyinapu Mukanda waukalunga. Vausonekele ngocho kaha wakusweka kufuma kumashikola, na kuli vakakutanga. Vangahi vatachikiza ngachize? Yesu asakwilile Kalunga. Ikiye ambile ngwenyi, “Ngwasakwilila Ove, Tata, Ove unasweke Echi kufuma kumeso ava kamangana na vakakunangakana, kaha unachisolola Echi kuli va kemba vaze vanahase kulinangula.” Unapu Mukanda wa zangi. Omwo ize zangi ya Kalunga nayiza mumuchima, kakajino ove hinaumuzanga Kalunga, kahajino Ikiye mwalisolola Lyavene, kulumbununa mwalumbunukila Mbimbiliya. Echi kulumbununa cha Mbimbiliya ya Kalunga Lyavene kulumbununa jishiko Jenyi. Oloze, eyi Mbimbiliya, Va yisoneka mukachi ka mifunda.

³⁰ Jino, nge puwami, mamalelo, ikiye napu pwevo umwe wamwaza mukaye kosena, kaha Ngwamuzanga vene. Ikiye anguzanga yami. Shikaho omwo Yami nangukaya kwimbo, ikiye mwakaya nakungusonekele mukanda, kuhanjika, “Wamwaza Bill, ufuku uno Ngunuheke vana mukusavala. Ngunasane lelo,” kaha kala chuma chosena ikiye nalingi, kaha na vyangocho. Jino omu mukiko alinakuhanjika ha mukanda wenyi. Oloze, mwamono, Ngwamuzanga chikuma, kaha twapwa chikuma kupwa umwe, palanga Ngu—Ngunahase kutanga mukachi ka mifunda. Ngunatachikiza chuma muka ikiye alinakutonda kuhanjika, talenu, chipwe ikiye mwangulweka chize mokomoko nduma, talenu. Ngu—Ngunatachikiza omwo ikiye natwale, mwomwo napu zangi yami hali ikiye, kaha kwivwushisa chami.

³¹ Chamwaza, mukiko mujila yapwa nakusoneka cha Mbimbiliya. Talenu? Chize—chize kutanga nachiya nakuhita helu ya echi; vakiko kaveshi kuhasa kutambula echiko. Talenu, enu mwatela kupwa mu zangi na eli Lizu, Ikiye, “kumutachikiza Ikiye.” Talenu?

³² Jino, jino hano, talenu chuma muka Ikiye alingile. Jino, Apalahama na Sala vosena vaval vapwilenga tushinakaji mu myaka, “vakulile vene,” eyi Mbimbiliya yahanjika ngocho. Jino kachipwilenga kaha mwomwo vakiko vapwilenga vathu

vayoyelenga nakushimbula ko. Eyi Mbimbiliya yahanjika ngachize nge, “Vakiko vapwile vakukula mu myaka.”

³³ Jino talisenu kanawa, hazevene hanyima ya Kango kulisolola, etu tunapunga nakuhanjika hali echi; uze apwilenga Kalunga, Elohim. Kaha Ikiye ahanjikile, amulwekele Apalahama, “Ngulinakuya nakukutambukila ove halwola lwa kuyoya.” Jino talenu nakushikumuka nakuhita, vakiko vapwilenga chifwanyisa cha Liuka, kufuma kwosena kuze.

³⁴ Jino tala. Hano jino mukiko chasolokele. Jino, Ikiye hakakile chikamba hali Sala ko, na kuhaka chikamba hali Apalahama ko. Ikiye avalumwine cheka nakupwa mukweze walunga na wapwevo. Jino chize chinahase kupwa nge chaungeji, oloze jino talenu ha Lizu lyosena, kaha lihakenu hamwe. Eli Lizu linapu lya kuhizumwisa, kaha enu mwatela kupwa vakuhizumuka na eli Lizu. Jino, anuka, hazevene hanyima ya chize, hazevene hanyima ya kusoloka cha uze Kango... .

³⁵ Nguli kaha nakumona chize, nge wele wa Sala, kaka wamundende na shawelo ha mahye eyi, kaha lupasa lwalukungu lwalundende, nakwate chitondo, alinakuya nakujinguluka. “Yami, kupwa nachiseke na uze mwata wami, kaha ikiye kupwa kashinakaji, nawa?” Talenu? Kaha hano jino Apalahama, na wevvu wausuku, nakwata chitondo, nge omu apwilenga, kashinakaji ivene.

³⁶ Kaha Ngwamwene, chimene chashishileho, mahye enyi aputukile kwoloka, ize khunda yafumine hanyima yenyi. Kambu jenyi japutukile kwalumuka. Vakiko vakindulukile cheka kunyima kuukweze walunga na pwevo. Kusolola kaha chuma Ikiye ali nakuya nakulinga ku Mbuto ya Wangana ya Apalahama, talenu, omwo etu twapwile “twalumuna chindende, mu kutemwina cha liso, kaha nakutuhukwila hamwe.”

³⁷ Tala chuma muka chasolokele. Jino echa yami ngwinjikize echi kuli enu. Jino vakiko vendele ungeji kufuma kuli chize chihela vakiko vapwilenga, kuze ku Ngomola; kaha vayile kwosena nakujila yaku Ngelale, mbwe nakulifuchi lya va Fwilishite. Enu mwatalishile kanawa? Sonekenu chize ha map, talenu tunda kana. Ungeji kana wakutambuka tushinakaji vavali.

³⁸ Kaha jino, keshi ngocho kahako, mu—mulize lifuchi lya va Fwilishite, mwawilenga mwangana wamukweze wa lijina lya Avimeleke, kaha ikiye apwilenga nakutonda pwevo wakumbata. Kaha ikiye apwilenga na vaze vanyike vamapwevo vamwaza va mu Fwilishite, oloze omwo ikiye amwene uze kaka, ikiye ambile ngwenyi, “Ikiye kumutala nasoloka kanawa,” kaha ikiye amuzangile kaha atondele kumumbata. Echi chakwoloka. Hu-huu. Talenu, ikiye apwile vene wamwaza. Talenu?

³⁹ Ikiye alumukile kupwa mukweze wapwevo. Talisenu kanawa, ikiye apwile na, kuneha mwana. Kalunga amulingishile

kupwa tengeso yayihya. Kaha mukiko apwile, mangana aseme mwana. Kaha anuka, Apalahama, “mujimba wenyi wapwile wakufwa lyehi,” kaha Sala afwile omwo Apalahama apwile na... Isaka apwile na myka fwote faifi yakusemuka, Ngwafwelela, omwo Sala afwile. Kaha Apalahama ambachile pwevo weka kaha asemene nenyi vana va malunga na va mapwevo, hanyima ya chize. Amena.

⁴⁰ Talenu, tangenu mukachi ka mifunda. Echi chinapu chifwanyisa. Echi chinapu kusolola haze nge Ikiye mwakaya nakulinga ngachize nakuli Vana va Apalahama. Nge omu tunaheteko jino, awa mahye etu akukopama na vyuma vyosena kavyeshi nakuneha chihandwako, masepa. Kaha wele wetu na kala chuma omu chili, kavyeshi vyuma vyakulizakaminako jino. Etu katwatala kunyimako. Echa tutale kulutwe kuli chize etu tuli nakwiza.

⁴¹ Kaha anuka, echi chinjikizo echi etu tuli nakumona, chapwile chinjikizo cha makumishilo chize Apalahama na Sala vamwene, shimbu kanda uze mwana walushiko ezenga nakupwako. Etu twafwelela etu tuli ha ola kana.

⁴² Uze kakuluka, hanyima ya kusemuka cha ou kanyike... Shinganyekenu Isaka, ha myaka likumi naivali; kanyike wamwaza, kaha kanyike wa jikambu jakulijinga, meso achile chindende? Shinganyekenu omwo uze evwile; mukweze wa pwevo wamwaza, kaha ngocho, kaha na ise. Kaha likumbi limwe, Kalunga ambile ngwenyi, jino, kupwa chakutalilaho; etu twafumu mujila, mu ola echize nachikeza. “Ngunakulingisa ove kupwa sevo ya mafuchi, kuhichila muli ou kanyike walunga, oloze Ngwatondo ove umbate ou kanyike walunga kumutwala haze helu lya pili ize Nanguya nakukulweka ove, kaha Ngwatondo ove ukamujiha ikiye hazevene, kupwa mulambu.” Shinganyekenu hali chize?

⁴³ Jino ove kanda lyehi vakulombe kuya na mukukweseka chamuyachi ngachize. Ikiye kalinga cheka chizeko. Vize vyapwilenga vyakutalilaho, miwwimbimbii.

⁴⁴ Kumana Apalahama evwile woma? Nduma, mwane. Apalahama ahanjikile ngana, “Ngunapu wakukunyuka nge Ikiye apwa wakutelamo kumusangula na kumufumisa mukufwa, mwomwo Ngwamutambwile nge umwe wakufuma muvafu. Kaha kachi elu lunapu lushimbi lwa Kalunga kungulweka yami kulinga chuma kana, kaha Ngunatwame mumuchano na echi, kaha chinakumu, hakunguhana mwana walunga; Kalunga apwa wakutamo kumusangula kumufumisa mukufwa; kufuma muze Ngwamutambwile, kupwa nge chifwanyisa.”

⁴⁵ Mamaah, yami, sepa! Kachi Kalunga mwamihana enu Vakapendekosita Shipilitu Wajila, kuhanjika mumalimi, nachihambahakan chikuma kuli enu kufwelela ngolo Jenyi ja kuhindula, na kuwaha Chenyi na keke! Kachi Ikiye alingile

chize, hali osena vakutanga va muze mulifuchi! Vakiko vambile ngwavo kacheshi kuhasako, oloze Kalunga achilingile mwomwo Ikiye ashikile chize. Kahajino imana hamwe na Uta wove, Lizu lyove, Poko yauvela kuvali, fwelela eli Lizu lya Kalunga. Kalunga ahanjikile ngocho, kaha mukiko kaha!

⁴⁶ Tachikiza kanawa, jino, ikiye amumbachile ikiye muungeji wa makumbi atatu kufuma haze, na vimbulu. Jino Ngunahase kutambuka, omwo Ngwapwile mukakutambwojoka, Ngwatambukile seti milosi halikumbi, kuhita muze muchipapa; kaha etu twapwile na maji akutamo, nge mukuhanjika. Oloze vakiko malunga kana, jila javo jikiko japwile jakuvatwala, chapwile chipwe kwendesa chimbulu mokomoko—mokomoko kutambuka. Kaha ikiye vayile ungeji wa makumbi atatu kufuma kuze ikiye apwilenga, kaha jino andwile meso enyi, muze vene muchipapa, kaha amwene ize pili kwakusuku.

⁴⁷ Ikiye ambachile Isaka na kumukasa kumavoko. Chize, etu vosena tunatachikiza, mu Kuputuka 22 hano, kupwa chifwanyisa cha Kulishitu. Kumutwaminyina nakumutwala kupili, wakukasa, nge Yesu omwo vamutwaminyinyine, ku Pili ya Kavali; chifwanyisa cha Kalunga kuhana Mwa Nenyi, mukiko kaha.

⁴⁸ Oloze omwo vakiko vahetele kuze, kaha ikiye apwile wakwononoka, Isaka aputukile kupwa wakulizakamina. Ikiye ambile ngwenyi, “Tata, jikunyi jejijo hano ha kamenga, kakahya kakako, oloze mulambu uli kulihi?”

⁴⁹ Kaha Apalahama, ha kutachikiza muchishinganyeka chenyi, nge linapu Lizu lya Kalunga linemana haze, ikiye ambile ngwenyi, “Mwanami, Kalunga natela kuneha Lyavene mulambu.” Ikiye avulukile chize chihela kupwa, “Yehova Yile.”

⁵⁰ Kaha omwo ikiye amukashile mwanenyi, apwile wakwononoka palanga nakukufwa; kumusavalika haze ha kamenga, amufumishile pokonkuyifumissa muchindalo, na kuputuka kachi afumise chiyoyelo cha mwanenyi. Kaha, omwo ikiye alingile ngocho, Chuma chimwe chakwachile kulivoko lyenyi, kaha ambile ngwenyi, “Apalahama, echa livoko lyove.”

⁵¹ Kaha ha lwola luze, mwana mukoko nalilimbi kunyima senyi, na jimbinka jenyi mulifufwa.

⁵² Enu mwashinganyeka kaho lyehi, kulihi afumine uze chizamba cha mukoko? Anuka, lize lifuchi lyapwile lya kuzala na vandumba na tungunge na visupa, na kala visuma vakakwenyeka mikoko. Kaha kufuma haze nakuneha kulwola lwa kutona cha kaye? Kaha, jino, helu haze ha pili, haze kahapwile na meya ko. Kaha ikiye anonele malolwa, aze amujingulukile, nakutungisa kaze kamenga. Kaha uze chizamba cha mukoko afumine kulihi? Talenu?

⁵³ Ooze chize kachapwilenga chimwenoko. Ikiye ajihile uze chizamba cha mukoko; apwile na manyinga. Chuma muka ikiye ahanyakile? “Kalunga ali wakutela kuheha Lyavene mulambu.”

⁵⁴ Ove *nauya* ngachilihi nakufuma omwo muchitwamo? Nachipwa ngachilihi na *chize* kulepuka cha uze mwana nakuya nakupwa kanawa, mokomoko *ove* kufuma omwo muchitwamo, *ove* kufuma omwo, *ove* uli naukalu wa muchima? Kala ukalu wosena, “Kalunga ali wakutamo kuheha Lyavene.”

⁵⁵ Apalahama afwelelele chize. Uze kakuluka atwmine na muchano kuli luze lushiko. Kaha Ikiye ahanyine lushiko, nge, “Mbuto yove! Mwomwo ove unafwelela Lizu Lyami, kaha chipwethuhu chapwilenga ngachilihi, mbuto yove nayikaya nakuheta chikolo echi cha mukakole.”

⁵⁶ Mwomwoika? Kala mukakole uze ejile, kufwa nge chifwanyisa, chakutwala kuli Apalahama, Apa-... Uze mukakole wa, “Uze pwevo apwile wakukula chikuma. Yami ngwakulu chikuma. Vyosena *evi*, na vyuma vyosena nawa.” Ikiye hanga nemanyina wakwoloka mumuchano kuli luze lushiko.

⁵⁷ Jino, lunga ahetele luze lufwelelo, hanga ambachile Lizu lya Kalunga chipwethuhu chapwilenga ngachilihi. Jino, kachi ove kaweshi kuhasa kulinga chizeko, kahajino ove kaweshi ove Mbuto ya Apalahama ko. Luze lukiko lufwelelo luze Apalahama apwilenga nalwo, Mbuto yenyo.

⁵⁸ Luze lushiko lwa Apalahama lwapwilenga nge “Mbuto,” jino Mbuto yenyo ya wangana, nawa, nge omu Ngwamilwekele hanyima chindende. Kaha aka katachikijilo kaze Ikiye ahanyine kuli Apalahama, lwapwilenga katachikijilo ka lushiko. Kaha Mbuto ya wangana, kutesekesa na Efwasu 4:30, nge “vamijika lyehi na Shipilitu Wajila,” hanyima vakiko vanahase chize cheseko. Kweseka kushinganyeka hali chize.

⁵⁹ Vangahi veji kushinganyeka nge vali na Shipilitu Wajila. Vavulu veji kuvuluka nge vali na Shipilitu Wajila. Vavavulu vanahase kusolola vya kwinjikiza na vinjikizo vya echi. Ooze, hanga, kachi echi kacheshi kutwama na Lizu ko, kaha keshi Shipilitu Wajila ko. Talenu?

⁶⁰ Ove wafwelelela kala Lizu, kahajino ove unapu wakujika hanyima ya kweseka. Nge etu natufwelela kala lushiko lwa mu Lizu, kahajino etu vanatujiki na Shipilitu, kwinjikiza luze lufwelelo. Chize chikiko chuma, muze mukiko Apalahama, mujila ikiye alingile. Kahajino, kaha mukiko kaha, etu tuli nalisesa lya kuheta chize chikolo cha vakakole jetu. Enu kamweshi kuhasa kulinga echi ko kuvanga chatete enu namwiza nakupwa nge ize Mbuto. Anuka, mu Mbimbiliya...

⁶¹ Ngwahanjikile echi, ku Houston mokomoko kumwe, kukwavo... mokomoko, Ngunambe Dallas. *Chize Chinjikizo*.

⁶² Talenu, ka—ka Yuleya nahase kusolola, muzevene mu Isalele, nge ikiye apwilenga ka Yuleya ha kwalama. Oloze Kalunga ambile ngwenyi, “Omwo Nangumona manyinga! Kaha aze manyinga nawakapwanga kuli enu katachikijilo.”

⁶³ Chize chiyoyleo chize chapwilenga muze mu manyinga kawahashile kupwa hali uze mukakulifukulako, mwomwo, chamwaza, chapwile kuyoya cha kanyama, chize chapwilenga kaha muvwimbimbi wapwilenga nakwiza ku Chiyoyleo chivene. Kahajino, chize kuchilana, aze manyinga avene, atelele kupwa achila haze ha lipito na havipamba.

⁶⁴ Akusapwile kuzachisa nge lwenyi, luze lwapwilenga mwila wawashi kuwana, kusolola nge kawatela kuvangila upwenga na lufwelelo lwakulitulaho. Ove watela kupwa nachuma chochimwe, lufwelelo ukwechi, nge luze weshi kuzachisanga kuputukisa minyau, kwiza kuliuka. Talenu? Vathu vavavulu veji kushinganyeka nge vakiko vakwechi chumakana... Oloze, nduma, nduma, chize chakuhenga. Shina lufwelelo lwakuwanyiwa kwosena lukiko watela kuzachisa kukwichisa Manyinga. Ivvenu eli Lizu, kaha fwelela eli Lizu, kwitenu Echi, mukiko kaha. Fumisa kaha uze mwila kwosena muze mu Palachise, mwapwilenga lwenyi, mwila kaha waundende weji numba kusoka mukachi mwaji, nakuujingulula, kumbwichika mumanyinga avo na kuhaka aze haze ha chipamba na ha mwalachi wachikolo.

⁶⁵ Kaha, anuka, Kangwalizakaminako vangahi vapwilenga muze muchivwasano, Nyi ngachili va Yuleya vahashile kusolola ikiye apwilenga wakwalama lyehi, apwilenga muthu wamwaza, chivwasano chosena vachenyekele kuvangila chize—chize chinjikizo hachili. “Omwo Nangumona aze manyinga,” ukawawo.

⁶⁶ Jino, awa Manyinga jino, chize Chinjikizo, keshi chize kuchilana, kuchilana cha Manyinga a Kulishitu, mwomwo Vawamwangile lyehi mwahichi myaka masauzande kunyima okwo.

⁶⁷ Oloze, mwamono, kulihi...chatelele kupwa chize kuchilana, chize chiyoyleo muli uze kanyama kawahashile na kwingila muli uze muthu, mwomwo chize chiyoyleo chauze kanyama katwama na mwonoko. Kanyama katachikiza kwoloka na kuhengako. Kuvangila muthu ikiye atwama na mwono.

⁶⁸ Jino, oloze omwo Yesu, uze Mwana Kalunga, wakusemuka kuli mujike, amwangile Manyinga Eyi, chize Chiyoyleo chize chapwilenga muze mu Manyinga apwilenga a Kalunga Lyavene. Eyi Mbimbiliya ngwayo, “Etu vatulwila na Chiyoyleo, chize cha Manyinga a Kalunga.” Keshi na manyinga ava Yuleya, keshi na manyinga ava Kamafuchi eka na eka; oloze na Chiyoyleo cha Kalunga. Kalunga atengele kaze kaliundu ka Manyinga,

kusemuka kulimujike. Ikiye tele kanda alimone na lunga, chipwe kulinga ikiye... chipwe lize liulu kalya fumine kuli pwevoko.

⁶⁹ Ngunatachikiza enu vathu vavavulu mwatondo kufwelela lize liulu. Lize liulu kalyeshi kuhasa kupwako chakuzeneka vize vyakwivwa kwivva, chuma muka Kalunga? Talenu?

⁷⁰ Ikiye atengele vyosena vivali na liulu na Manyinga, kaha muze mukiko mubalaka ya Kalunga, wajila. “Kangweshi kwitavila uze Wami Umwe Wakujila kumona kupola.” Talenu aze maulu afumine kulihi? “Chipwe kuya Nakuseza mwono Wenyi muhetese.” Mujimba wenyi wapwilenga wakujila! Mamaah, yami! Ove kaute, ove kaweshi kufwelela echiko, kaha naulivuluka ove lyavene kupwa Mukakulishitu?

⁷¹ “Etu vanatulwili na Manyinga a Kalunga.” Haze hakiko hatwama lufwelelo lwami. Keshi kutambuka muze mu manyinga a kapolofweto ko, keshi kutambuka muze mu manyinga a kala muthu, mokomoko a mulongeshi, mokomoko mukakutanga umwe ko. Etu tweji kutambuka muze mu Manyinga a Kalunga. Kalunga ahanjikile ngocho. Ikiye ejile nakupwa muthu. Ikiye alumwine omwo Ikiye asoloka. Ikiye atanduwile mbalaka Yenyi hano, na etu, na kupwa umwe na etu. Ikiye apwa Kausoko wa Hakamwihi. Ikiye neza nakupwa kausoko kuli etu, mwomwo muze mukiko mwapwilenga lushimbi. Kalunga ejile nakupwa muthu na kutwama muli etu.

⁷² Talisenu kanawa omwo echii, mwomwo mukulinga echii, Ikiye ejile nakufuma muli Ikiye, apwilenga Kalunga, ize Shipilitu, kaha ize Shipilitu yejile nkupwa hali mukakufwelela. Shikangaho, chize Kuyoya chize chapwilenga mu Mulambu wetu, etu vanatwjivila hali chize Kuyoya chochimwe.

⁷³ Kahajino vakiko navamona ngachilihi Kuyoya cha Kalunga kutambuka mukachi kavathu, nakuchivuluka kupwa cha majilo, nge Chize nachipwa mwakutachikijila Mulambu wetu? “Wosena mwafwelela hali Yami, milimo eyi Ngweji kuzatanga naikiye nawa mwakayilinga.” Kuyoya Chenyi kupwa ha mula...kufuma ha Mulambu, shimbu natuhaka mavoko etu hali Echi na kulijimbula etu vavene kupwa vakufwa kuvishinganyeka vyetu. Kahajino natuya ngachili nakwechela vikungulwilo kutushijikila muvilinga vyavo na vyuma kana, kaha nauhanjika nge etu twafwelela Echi? Etu twafwa lyehi kuvyuma kana.

⁷⁴ Paulu ambile ngwenyi, “Kakweshi numba chuma chimwe hali evi vyuma vinahase kungukatalisa,” mwomwo ikiye vamukashilile ku chamakumishilo, Kulishitu. Kaha kala kuhasa cha muchano chinapu cha kukashila ku chamakumishilo, kaha chamakumishilo chami chinapu Lizu. Kaha kalamuthu weka, uze—uze vene wakusemuka mu Shipilitu, chikumishilo chavo chinapu Lizu lya Kalunga. Yami vanguakashila kuli Echi. Ngwahakile mavoko ami hali Echi. Kaha Chikiko chambachile

chihela chami, kaha Ngunalisolola amilyavene na Ikiye. Etu tunatachikiza nge Ikiye ashikile kulisolola Lyavene hamwe na etu. Echi chinanehe lufwelelo luvene; keshi lufwelelo lwoveko, oloze lufwelelo Lwenyi; chuma chimwe chize ove kaweshi kuhasa kutetekela. Ikiye mukakuchilinga. Jino talisenu kanawa. Kahajino, kaha jino, omwo... lunapu lushiko vamihane enu.

⁷⁵ Chipwethuhu mauka angahi ove unalinungu nawo, kapapa kangahi ove vanakujimika; talisa kulutwe, kunyima, kala jila ove unatondo. Palanga kaze Katachikijilo vanakahake hali enu, mokomoko ove kaweshi na lisesa lya kulivuluka ove lyavene kupwa wakulinunga na mulambu wove ko.

⁷⁶ Kaha Katachikijilo ka Kalunga kanapu chuma muka? Efjesu 4:30, nahanjika ngwenyi, “Kanda kunyengetesa Shipilitu Wajila wa Kalunga ko, uze enu vamijika lyehi palanga na ku Likumbi lya kumisokola.” Keshi kufuma mukuhizumuka chimwe nakuya mukuhizumuka chikwavo, oloze vakujika Hayamyaka palanga Likumbi lize enu navakamisokola.

⁷⁷ Kaha, anuka, kachi ove kawapwilenga muvishinganyeka vyva Kalunga ko, ove kaweshi kahasa kupwa hamwe na Kalunga ko. Vangahi vatachikiza nge Ikiye apwilenga Mukakusokola? Chamwaza, jino, kala chuma vanasokola chatela kukinduluka kuze chaholokele. Shikaho kachi Ikiye ejile nakusokola etu, nachipwa nachilihi naetu, kwapwile lwola lumwe katwatelele kutusokolako, kaha etu vosena “twasemukile mu shili, vakutunga muupapwoki, twejile mukaye nakuhanjika makuli”? Echi chasoloka nge Vakakulishitu vamwenemwene napu chuma cha kushinganyeka cha Kalunga, shimbu kanda kaye kapwengako, mokomoko numba tanganyika, mokomoko numba peho, mokomoko numba kala chuma chose. Echi chinapu cha Hayamyaka, kaha Ikiye ejile nakutukindulwisa. Echi chinapu kushinganyeka cha Kalunga, kuhanjikila mu lizu, nakulilingisa kusoloka na ku... kuneha cheka chishinganyeka Chenyi.

⁷⁸ Kausoko wa Hakamwihi! Ou ukiko mulonga Kalunga Lyavene atelele kwiza nakupwa umwe wetu, nakusokola. Kakweshi chuma chimwe chinahase kulinga echiko. Kala Kangelo kahashile kulinga echiko, kakweshi chuma chekako. Ikiye atelele kwiza, kupwa nakumweseka nge omu tuli, nakutusokola.

⁷⁹ Talisenu jino ha mbuto ya kumujimba wa Apalahama. Echa tutalenu hali ize mbuto imwe ya kumujimba, nakutala kachi Kalunga alama Lizu Lyenyi na ize mbuto ya kumujimba, eyi yinapu Isaka. Echa tutalenu mbuto jimwe jakumujimba jize ja fwelelele kuzalilila cha lushiko lwa Kalunga kaha vahonene kuhula chihula. Jino anuka, kwapwilenga masauzande na masaunde na masauzande kuvulisa na mazauzande vaze valamishile na vyuma vyeka nawa, kaha hanga vahonene kupwa Mbuto ya Apalahama. Pundu vene, “Chize chinapu Kayuleya

kuweluka keshi Kayuleya ko; chize chinapu Kayuleya mukachi.” Vakiko, vavavulu, vahonene, kuhona vene chikupu.

⁸⁰ Tala, muze mupambo, vakiko vambile ngwavo, “Etu...” Lize likumbi lya Paseka, mokomoko haze ha kunwana muze mukaselwoke, Mukakujila Yowano 6. Vakiko vosena vapwile nakuwahlila.

⁸¹ Yesu ambile ngwenyi, “Yami yami lize Lilolwa lize lyapwilenga mupambo. Yami Mbolo ize yakufuma kuli Kalunga, yakufuma Mwili, kachi muthu mwalyako keshi kuhasa kufwako.”

⁸² Vakiko vambile ngwavo, “Ma Setu valile mana muze mupambo, ha myaka fwote.”

Ikiye ambile ngwenyi, “Kaha vakiko, vosena, vapwile.”

⁸³ *Kufwa*, mbatenu lize lizu nakuhitulukamo, talenu omwo ngwatwale, “Hayamyaka kuhanduka.” Oloze, vakiko vapwile mbuto ya Apalahama. *Kufwa* kulumbununa “kuhandunuka, kunonga, kulyenyeka chikupu, kunonga.” Yesu ambile ngwenyi vakiko vapwile vakufwa, vosena, oloze vakiko vapwile va Yuleya vakwalama.

⁸⁴ Talenu, vaze vakwetu, mwomwo kaha vapwilenga va Mesondisiti, Mbaputishiti, Pulishiteliyan, nakupwa nakulikonekela chindende, na vyuma nge ngachize; liyavolo afwelela naikiye nawa nge omu tuli nayetu.

⁸⁵ Oloze ove watela kupwa wakusolokela hamwe na Echi. Kalunga atela kwinjikiza Echi kuli echi, ha kujika na Shipilitu Wajila. Nachihula pimbi ha Lizu!

⁸⁶ Kachi ove muhanjika ngwavo, “Chamwaza, jino, chize chapwilenga cha likumbi lize,” kuli chuma chimwe chinahenge.

⁸⁷ Ngachilihi nge muthu mweza nakulaha, kaha ove wamulwekele ikiye chize kumunyika nge chapwilenga nakumunyika, kaha ikiye mwalahila mumuvwimbimbi, mwamba ngwenyi, “Ngunakane echi. Ngunakane echi. Kakwechi chuma chimwe nge kumunyika. Kangwafwelela echi ko?” Nakuya nakupwa chuma chimwe chakuhenga nauze muthu. Ikiye mwapwa wakuzaluka. Kachi ikiye mwakana mitelezeji yacho na chize kuhana kuyoya chacho, kuli chuma chimwe chakuhenga na ikiye, muwongo.

⁸⁸ Kaha omwo muthu mwamona lize Lizu lya Kalunga, kusoloka hatoma kumeso a ikiye, kaha nakulisolola, kaha jino mwasoka na kukoka mahina achikungulwilo chenyi nakushikumwisa, kuli chuma chimwe chakuhenga na uze muthu, kuhanjika mushipilitu. Chumachimwe chinahenge na ikiye. Kuli chuma chimwe chinahenge mushipilitu. Ikiye mwahona kaha kuchitambula Echi. “Kapuputa, kaha katachikijileko,” ali nakuya Kukusopesa, kaha Kalunga mwaya nakupwa Mukakusopesa.

⁸⁹ Talisenu kanawa omwo vakiko—vakiko valingile echi, kaha ej iimbuto jino jize jafwelele Echi, tala omwo chasolokele. Echa tutale jimwe jacho jino, mbuto ya Apalahama.

⁹⁰ Echa tumbate vana va Hepelewu, mwomwo vakiko vemanyine mumuchano kaha kawahashile kulemesa kulifukula cha makombelo. Vakiko vakanyine kunongamina chize chifwanyisa chize mwangana wa lifuchi atengèle. Chize chapwile chakutenge kufwana muthu wakujila, nawa, chifwanyisa cha Ndanyelete.

⁹¹ Kusolola nge tuyachi wa Vakamafuchi eka na eka vavanehele kusali yakwonga, ya kulifukula chifwanyisa cha muthu wa kujila. Echi chafumine mujila yoyimwe, omwo vathu navaya nakuvashijila kulifukula vifwanyisa nya vathu. Echi chejile ha kusoloka, cha Ndanyelete kupwa wakutelamo kulumbununa lize Lizu, lize vasonekele haze ha mbango. Muze mukiko mujila chejilile, kaha mukiko mujila chayilile, mujila yoyimwe, cha chifwanyisa cha Vakamafuchi eka na eka.

⁹² Talisenu, vakiko vakanyine kulinga muze. Kaha vakiko valingile chuma muka? Vakiko vapwilenga mbuto ya Apalahama kwimana mumuchano na Lizu, kaha vakiko vahetele chikolo cha mukakole, cha kakanya. Vakiko vachilingile. Chamwaza, Lizu ly Kalunga linapu muchano.

⁹³ Ndanyelete, vamwesekele ha kulifukula cha Kalunga wa muchano. Ikiye vamwesekele hali chize. Kaha mulwola lwa kweseka, ikiye ahashile chize cheseko. Kaha chuma Kalunga alingile, hanyima yakusoloka nge kuhona kuli ikiye, nge omu tunahase kuhanjika? Kaha vakiko vahonene kutachikiza na mwakulingila. Vakiko vayilenga nakumulingisa kupwa kulya cha ndumba. Oloze Ndanyelete atwamine lika mumuchano na chize cheseko, nge kuli Kalunga wamuchano, kaha ikiye aheta chikolo cha mukakole. Kalunga asokele kanwa ka ndumba.

⁹⁴ Mose atwamine mumuchano ku lushiko lwa Lizu, kumeso avaka kwongo vakakulifwanyisa, va Jane na Yambele, muli chize cheseko. Tala, Kalunga aliwanyine nenyi, na nongolo jajinene, amulwekele ikiye kuya nakulinga vyuma kana, kusolola vinjikizo, kaha kala chinjikizo nachiya nakupwa na lizu. Mose ayile kuze, kupwa mumuchano nge omu ikiye atachikijile. Ikiye ambilile uze mukombo, kaha walumukile kupwa linoka. Munatachikiza chuma muka chasolokele? Haze nawa kwejile vakakulifwanyisako na kulinga chuma chochimwe.

⁹⁵ Jino, Mose kambile mavoko enyi, nakuhanjika, “Chamwaza, Ngwashinganyeka vyapwanga nya kuhenga.” Ikiye atwamine kulu na kuvandamina hali Kalunga. Ikiye atwamine mumuchano. Chipwethuhu chapwilenga ngachilihi vangahi vakakulifwanyisako vapwileko, ikiye atwamine mumuchano. Kaha omwo ikiye atwamine mumuchano kukutuma chenyi, nakuneha vaze vathu kuafumisa muze muchihela kana, omwo

chize chikolo chameya chapwile mujila yenyi, Kalunga echele ikiye kuheta chize, kaha ikiye asokolwele chize chikolo na Panda ya mulangi wa Kakahya uze wapwile nakutwaminyina ikiye. Ikiye ambachile vathu nakuvatwala kulifuchi lya lushiko.

⁹⁶ Yoshiwa, twamina mukwavo. Vavali kaha valokele mu... kuya kulifuchi lya lushiko, Yoshiwa na Kaleve. Vakiko vejile kuchihela cha Kadesh, chize chapwilenga hakachi kakaye lwola luze, kulumbununa nge lyapwile ha chitwamo cha kusopela. Kaha, mamalelo, vakiko vatumine vandoji likumi navavalil kuya nakusondwesa lize lifuchi, kaha vosena likumi nanavali vakindulukile.

⁹⁷ Likumi lyavo vambile ngwavo, “Mamalelo, mulimo kana unapu waunene. Etu katweshi kuhasako. Chamwaza, vathu ava, etu twasolokanga nge tuvambimba kusali yavo.”

⁹⁸ Oloze Yoshiwa alingile ngachilihi? Ikiye asungile vathu. Ikiye ambile ngwenyi, “Vandamina munyutu kaha. Etu tunahambahaka kaha tulivakutamo kuliheta, chipwethuhu tuli vavandende, mokomoko chipwe tuvavandende.” Chuma muka ikiye apwile alingile? Ikiye apwile nemana mumuchano hali luze lushiko, “Nguli nakumihana eli lifuchi,” oloze enu kuvanga muzunge kala chuma chosena.

⁹⁹ Enu mwafwelela ech, mama? Kalunga mwakuhana kuhinduka chove, oloze kuvangila uzunge chuma chosena. “Kwosena vilyachilo vyahinji enu nawakalyata, chize Ngunamihanewo kupwa luheto lwenu.” *Mangano* kulumbununa “kuheta.” Chinapu chove, kala lushiko lwapwa lwove, oloze ove watela kuya nakuzunga kala chuma chosena chili mujila yove jino.

¹⁰⁰ Jino, Yoshiwa atachikijile chuma ahanjikile Kalunga. Ikiye apwilenga mbuto ya Apalahama. Talenu? Ikiye ambile ngwenyi, “Ngwafwelela ech, nge Kalunga atuhana lyehi lifuchi, kaha etu tunahambahaka kaha tunatela kuhasa kumbata lize.” Kaha mwomwo ikiye ahashile chize kweseka, hali va Isalele vosena, miyachi yosena na vathu vosena vaungumukile na kulila. Yoshiwa ambile ngwenyi, “Holenu kulu! Kalunga ashikile lushiko.”

¹⁰¹ Chipwethuhu wamunene ngachilihi, kaha kachuhonesa chika, kaha ndotolo ambile ngwenyi, Kalunga ahana lushiko. Echi chinapu jino kuli Kalunga omu mwalingila.

¹⁰² Chuma muka ikiye alingile? Omwo ikiye ejile kuze kukalwiji ka Yotane, ikiye ahetele chize chikolo. Mukiko ikiye alingile—ikiye alingilemo.

¹⁰³ Yeliko, yalisokele yosena nge mwa kapeza muchiyawu. Chuma muka ikiye? Ikiye ahetele chize chikolo.

¹⁰⁴ Chipwe likumbi limwe omwo vakakole vapwilenga nakweseka kumumbata ikiye, ikiye kuheta chikolo cha

mukakole shikaho mukiko ikiye alwekele musana kwimana. Kaha musana wononokele kuli ikiye, kaha kalyalumukileko mujiola twende two.

¹⁰⁵ Kalunga napu wamuchano kulushiko Lwenyi, chipwethuhu chuma muka Ikiye alingile; kutengatenga Melu kumeso a Ikiye kachele Lizu Lyenyi valihoneseko. Ikiye kashikile lushiko luze ahonene Ikiye kulamako. “Yami Yehova mukakuka misongo yosena. Kachi vakiko navakahaka mavoko hali vakakuviza, vakiko navakaya nakuyoya.” Amena. “Kachi ove kaweshi kuhasa kufwelelako, vyuma vyosena vinashiwa.”

¹⁰⁶ Yoshiwa afwelele chize, chipwe Kalunga ahashile kwimika mavu kuhona kwalumuka. Akwachile haze na Ngolo jimwe, Ngolo Jove ove lyavene; nge kaye kanda kanda lyehi kalumuke twende two, palanga Yoshiwa nomu alwile nakutenda va kakole jenyi. Ikiye ahetele vikolo. Punduvene, ikiye alingile. Kalunga apwa lwola lwosena wamuchano.

¹⁰⁷ Jino Ngunafwila etu nge nalwola kachi natutala hali vindume, oloze Ngukwechi minyutu likumi jino. Tala, vindume vosena vamwaza, nge omu vakiko vapwilenga, na maswalalele va lufwelelo, vakiko vosena vafwile ku chikolo cha kufwa. Vakiko vosena vananongele, kuze vene kuchikolo cha kufwa.

¹⁰⁸ Kahajino kwejile Mbuto ya wangana ya Apalahama. Vakiko vosena vapwile mbuto ya kumujimba, kufuma kuli Isaka. Oloze kwejile Mbuto ya Wangana ya Apalahama, uze apwilenga Kulishitu, Mbuto ya Apalahama ya lufwelelo; chuma etu twatelanga kupwa, monenu kaha nge etu mokomoko keshiko. Ize mbuto ya kumujimba yapwilenga chifwanyisa. Veka vakwovo vasemukile kukusemuka chamumujimba, oloze Ikiye ejile nakusemuka kuli mujike. Talenu, ize kayapwilenga mbuto ya Apalahama ko, kahajino, Kayuleya. Ikiye ejile ha mbuto ya lufwelelo lwa lushiko. Kaha, jino, etu twatelanga kupwa vana Venyi, kuhichila muli Muthu.

¹⁰⁹ Tala chuma Ikiye alingile. Omwo Ikiye apwilenga hano hamavu, Ikiye afungulwile na kuheta kala chikolo cha mukakolo apwile nacho; Mbuto ya Wangana. Ikiye ashikile echi ha Lizu. Ikiye afungulwile. Ikiye afungulwile chize chikolo cha misongo, kutulingila. Chikiko ejile Ikiye nakulinga. Ikiye, anuka, vathu vakuviza, Ikiye afungulwile chize chikolo. Ove kawatela kufungululako; Ikiye achifungulwile. Malunga vakwavo vatelele kufungulula chikolo chavo. Oloze ove kawatela kufungululako; vachifungulula lyehi. Ikiye afungulwile vikolo vya misongo. Kaha chuma muka Ikiye alingile omwo Ikiye afungulwile vize vikolo vya misongo? Kuhanjika nge Ikiye mwaya... Kalachuma enu namukalomba hano hamavu, kaha kalachuma enu namukakasa hano hamavu, Ikiye mwakaya nakukasa na muze Mwili nawa, tuhanejisapi ja kuchikolo.

¹¹⁰ Ikiye afungulwile chikolo cha vyeseko, na eli Lizu. Kaha jisapi japwilenga, “Mwimanyine mukakole, kaha mwakaya nakukuchina.” Ikiye afungulwile vyosena; afungulwile misongo yosena.

¹¹¹ Ikiye afungulwile kufwa, kaha Ikiye afungulwile hetese. Ikiye afungulwile kufwa na hetese. Ikiye afungulwile chuma chize veka vahomene, mwomwo vakiko vapwilenga mbuto ya kumujimba. Eyi yinapu Mbuto ya kushipilitu. Ikiye afungulwile chikolo cha chimbumbe, kaha sangukile ha likumbi ly a chitatu, kutunehela kwoloka.

¹¹² “Kaha jino etu tunahambakana vakakufungulula.” Etu tulikaha nakutambukamo, kupwa uswana, “Kuhambakana vakakufungulula.” Jino etu tuli nakuzata na mukakole wakuhasa lyehi. Misongo vayihasa lyehi. Kufwa vachihashile lyehi. Hetese vayihashile lyehi. Vyuma vyosena vyakuhasa lyehi. Mamaah, yami! Kachi Ngwapwile wamunene kapapa kavali chivwuvwu chami, jino pamo Nguli nakwivwa kapapa kavali kuwaha. Etu tulinakulipika na mukakole wakufungulula lyehi.

¹¹³ Shikangaho Paulu ahashile kuhanjika, omwo vakiko vapwilenga na chiumba cha kuvatwila mutwe wenyi, ikiye ambile ngwenyi, “Ove Kufwa, mumunyi wove ulihi? Ngulweke yami hamwe hali ngunahashile kulyalanga na kutetumuka. Chimbumbe, kuhasa chove chili kulihii, kaha ove washinganyeka nge mungufumisamo? Nanguya nakukwinyikila ku chimbumbe chaupologwa kuze; kaha Nguli muli Ikiye, Ikiye mwakaya nakungusangula halikumbi ly a makumishilo.” Mukakole wakuhasa lyehi!

¹¹⁴ Ize Mbuto ya Wangana ya Apalahama! Jino, ize mbuto ya mumujimba kayahashile kwinyika Kuzeko. Oloze Mbuto ya Wangana yinahase kufungulula, yafungulwile lyehi, mwomwo Ikiye alivanga lyehi kulutwe lwetu kaha kala chikolo achifungulwile lyehi. Ikiye ali jino, hanyima ya masauzande avali, Ikiye hanga emana mukachi ketu, uze chindume Mukakufungulula. Keshi nge Ikiye afungulwile kaha misongoko... Ikiye afungulwile na misongo. Ikiye afungulwile na vyeseko. Ikiye afungulwile kala mukakole. Ikiye afungulwile kufwa. Ikiye afungulwile hetese. Ikiye afungulwile chimbumbe, kaha asangukile cheka. Kaha hanyima ya masauzande avali, Ikiye uno hanga emana mukachi ketu, chingoloshi chino, kulijimbulu Lyavene, kupwa chindume mu Kufungulula! Amen. Ikiye hanga ali hano, wamutonyi, kwinjikiza lushiko Lwenyi, Mbuto ya Apalahama ya Wangana! Mamaah, yami! Kaha uze mukakole mwakaya...

¹¹⁵ “Ikiye mwakaya nakufungulula vikolo vya mukakole wenyi.” Kuli vase, Mbuto, Ikiye mwakemana hano ayoya na kwinjikiza Lyavene kulihiya? Kujize Jimbuto ja kutongola vase vanahase kumona. Ikiye afungulula chize. Hiya, hanyima ya

kweseka, luze lushiko lwa Lizu, vakiko vapwilenga vakujika na Shipilitu Wajila, kwingila mu Mujimba wa Kulishitu, kuli vakiko kwinjikiza (chuma muka?) Hepelewu 13:8 ahanjika ngocho. Vakiko vali vakujikila muze na Shipilitu Wajila, uze Shipilitu Wajila uze apwilenga... Apalahama achimwene lyehi; ha lufwelelo ikiye afwelelele chize. Kaha jino etu twatambula Echi, kutala hanyima ku lushiko lwa chize Ikiye ahanjikile. Kaha Yowano 14:12 napu wakwinjikiza muno mumakumbi akumakumishilo, ha kusanguka cha Mukakufungulula, Lyavene.

¹¹⁶ Keshi nge zachiso yimweko; oloze Muthu ivene, Kulishitu, uze Mukakufungulula. Keshi liuka lyamiko, keshi liuka lyu Mbaputishiti, mokomoko Pulishiteliyani, Mesondisiti, mokomoko va Pendekosita, keshi hali chizeko; oloze hali Yesu Kulishitu. Ikiye ayoya na lelo. Ikiye asngukile hali ech, mangana kupwa na kutuvulukila kwoloka.

¹¹⁷ Kaha mwomwo Ikiye ayoya, Ikiye ambile ngwenyi etu tuyoye nawa. "Muthu keshi kayoyela ha mbolo kahako, oloze ha kala Lizu lyosena," keshi chihanda cha Lizu ko, "kala Lizu lize nalilovoka mukanwa ka Kalunga." "Yami Kusanguka na Kuyoya. Wose mwafwelela muli Yami, chipwe ikiye mwafwa, oloze mwakayoya. Wosena ayoya kaha afwelela Yami keshi kukaya na kufwako. Mwafwelela enu ech?" Mbata kala chikolo cha mukakole!

¹¹⁸ Mwaya ngachilihi nakupwa mukakufungulula Bosworth, ohonyi Kalunga... Bosworth apwilenga Mukakufungulula. Kaha ou ukiko mulonga ikiye ambile ngwenyi, "Lwola lwakuwahilila ola chiyyoyelo chami chili chakwoloka jino." Hu-huu. Ikiye atachikijile nge Chindume Mukakufungulula. Kukunyuka Chemyi cha kundamine hali Ikiye. Mamaah, yami! Jino etu tunahase kwimba:

Kuyoya, Ikiye anguzangile yami; kufwa, Ikiye
anguzangile yami;
Kufunda, Ikiye ambachile shili jami
kwakusuku;
Kusanguka, Ikiye anguvulukilile kwoloka
kaha nguli wakukasunuka hayamyaka:
Likumbi limwe Ikiye ali nakwiza—mamalelo,
likumbi kana kuwaha!

¹¹⁹ Kuli vaze valinakusoloka kupwa nge vakuhasa. Eddie Perronet, Ngwafwelela ikiye vene, ikiye kahashile kulanjisa myaso yenyi ya Ukulishituko. Naumwe pimbi ayizangile. Vakiko kavapwile nachuchimweko chakulinga naizeko. Mamalelo, wakuhasa, kaha mukakufwelela! Likumbi limwe, Shipilitu Wajila ejile hali ikiye. Chize chikolo cha mukakole, chize chakuhonesa kwitavila mikanda yenyi! Eyi Shipilitu ya

mukwachile ikiye, kaha anonele sonekeso yaulombo, Kalunga amulingishile kusoneka mwaso wakumuwavisa.

Josena ngolo ja Lijina Yesu!
Echa Vangelo valifukule;
Vanehe kavumbi kawangana,
Na muchama Wenyi Mwata wa vosena.

¹²⁰ Kapuputa Fanny Crosby, lwola lumwe. Ambile ngwenyi, “Chuma kana chalumbunukila mulihi kuli enu?” Vamwe... Ikiye kalanjishile lusesa lwenyi lwa kusemuka ko nge omu alingile ka Pendekosita Elvis Presley, mokomoko nge Boone waku church of Christ, mokomoko nge omu alingile Red Foley, kulanjisa talenda ku kaye; vakiko valanjile Motoka jambwende, na ji miliyone ndola, na kupuwa na maujiho. Oloze Fanny Crosby atwamina mwamuchano ku chihela chenyi. Ikiye atambakanyine:

Ivvulila kuli yami, Ove Mulwilo,
Ivwa kulila chami;
Shimbu veka vali nakusanyika Ove,
Kanda unguhita yami ko.

Ove yove Kaselwoke wa kusuwuluka chami,
Chinahambahakanu kuyoya kuli yami,
Hiya Nguli nenyi hano hamavu kusali Yaove?
Mokomoko hiya Mwilu kuvanga Ove?

¹²¹ Vakiko vambile ngwavo, “Ngachilihi nge ove unapu kapuputa omwo ove naukaya Mwilu?”

Ikiye ambile ngwenyi, “Nangukamumona Ikiye, kala mwosena.”

Ambile ngwenyi, “Naukaya nakumumona Ikiye ngachilihi?”
Ambile ngwenyi, “Nangukaya nakumutachikiza Ikiye.”

Ambile ngwenyi, “Pwevo. lya Crosby, ove unahase kupanga jimiliyone ja mandola.”

Ikiye ambile ngwenyi, “Kangwatondele ji miliyone ja mandola ko.”

¹²² “Naukaya nakumutachiki Ikiye Ngachilihi?” Ikiye ambile ngwenyi:

Nangukaya nakumutachikiza Ikiye,
Nangukaya nakumutachikiza Ikiye,
Kungusokwela kusali Yenyi ku Nangukaya na
kwimana;
Nangukaya nakumutachikiza Ikiye,
Nangukaya nakumutachikiza Ikiye.

¹²³ “Kachi Nangukahona kumumona Ikiye, Nangukevwila muviveza vy a jimbambo mumavoko Eyi.” Ikiye afungulwile chikolo cha mukakole. Eyo.

¹²⁴ Kachi ove uli muli Kulishitu! Ikiye ambile ngwenyi, “Kachi ove mupwa muli Yami, kaha Mazu Ami muli ove; lomba kala sapi ove unatondo, lomba kala chikolo ove unatondo kumbata; lomba kala chuma ove unatondo, kaha navakakuhanacho ove. Kachi ove mutwama muli Yami, kaha Mazu Ami nawatwama muli ove, ove unahase kumbata chikolo cha mukakole chize chili nakwiza kulutwe lwove.” Ove unapu Mbuto ya Apalahama ya wangana.

¹²⁵ Chikolo chamuyachi uka chinemana kulutwe lwove? Kachi chinapu misongo, ove unahambakana mukakufungula. Kahajino etu tunahase kuhanjika, kwimba mwaso walikoji:

Kala lushiko luli mu Mukanda lunapu lwami,
Kala kapetulu, kala vasi... kaha na Ukalunga,
Nguli nakufwelela mu zangi Yenyi ya
Ukalunga,
Ha kala lushiko luli mu Mukanda vyami.

¹²⁶ Etu tunahambakana mukakufungula, kaha Mbuto ya Apalahama nayika nakuheta chikolo cha mukakole! Nge vakiko navahanjika Vyuma kana kavyeshi kusolokako, omwo vakiko vanatondo kuveluka Echi kupwa liyavolo, mokomoko Mbelezembule, mokomoko chuma chimwe cheka, Kalunga ali wakukunyuka kufungulula kala chikolo na kumbata mukakole.

Echenu tulombe.

¹²⁷ Mwata, echa Mbuto ya Apalahama... Ngunatachikiza vakiko navakaya nakumona Echi, Mwata. Kaha lize Lizu nalikahona ngachilihi chakuzeneka kuveta Hamavu amwenemwene? Ngwalombo ngwami vakiko vayenga nakwivwushisa jino. Echa kala muthu wose mweza mumukana wakulombela apwenga wakuyoya.

¹²⁸ Mwata, kachi nge kuli vamwe lyehi muno, vaze kanda valikonekele, vanahono kwimana hatoma nakwimanyina Kulishitu, vakulizanga kukana kala vilinga na kututa, na salusalu, vyuma vyakufwa vize vinavatwale nakuvafumisa kuli Ove. Kaha echa vakiko vemane jino, na kuhanjika, “Nanguya nakumwitavila Ikiye kupwa Mulwilo lwami.” Kahajino Ove myua nakuvemanyinako ha Likumbi lize.

¹²⁹ Shimbu etu tunanongama mitwe yetu, kachi kuli vamwe navatondo kwimana hatando yayindende, tulombe, hanjika, “Ngwatondo kwimana hali Ove jino, mangana Ikiye akaye nakungwimanyinako yami lize Likumbi, Kumeso Eyi a Ukalunga.” Ngunakulombo, nakukuhana ove lisesa nge lijina lyove lihake mu Mukanda wa Kuyoya, kachi ove myua nakwimana. Kangweshi nakukulomba ove kulinunga na liuka ko. Nguli nakukulomba ove kwiza kuli Kulishitu, kachi ove uli hanano kaha kawamutachikizako Ikiye.

¹³⁰ Kalunga akukisule, mwana walunga. Kuliko mukwavo, hanjika, “Ngwa—Ngwatondo kwimana jino.” Kalunga akukisule, pwevo wakalemesa. Kalunga akukisule, ndumbwami

wapwevo. “Ngwatondo...” Kalunga akukisule. Kalunga akukisule. “Nguli nakwimana, uno musana.” Ava vathu vamwaza, malunga na mapwevo, kwimana, “Nanguya na kwimana, uno musana.”

¹³¹ Kaha lize likumbi omwo uze ndotolo ambile ngwenyi, “Chamwaza, chiwekenge; manyinga eyi ali nakukuma, kufwa chili hali ikiye, mokomoko hali uze pwevo.” Mokomoko chimene chimwe, ove nauya nakwanuka kwimana chove. Ove mwimanyineko Ikiye jino.

¹³² “Kachi ove uli nasonryi hali Yami kumeso avathu, Nangukaya nakukuvwila sonyi ove kumeso a Tata Yami na Vangelo vakujila. Oloze kachi ove muya Nakungwitala Yami kumeso avathu, Ikiye mwakaya nakukwitavila kumeso a Tata Yami na Vangelo vajila.”

¹³³ Kalunga akukisule, ndumbwami wapwevo. Kunahase kupwa weka musenge omwo? Hano vene, shimbu etu tuli nakuvandamina. Vamwe, vakwavo mulizavu livene? Chosena chakwoloka. Nanguya nakukumbata ove ha lizu lyove, sepa.

¹³⁴ Kachi eli Lizu naliholokela ha Mavu awilo, nge uze pwevo wamundende haze ha lishima, ikiye—ikiye evwushishile. Ikiye apwile wakwimanyinako Mwilu, kufuma kukumuwan—a... shimbu kanda chikuku cha kaye kanda. Omwo chize Kumunyika Chamuvetele, ikiye Achitachikijile.

¹³⁵ Kalunga akukisule, ndumbwami walunga. Echi chinapu kuhamuka... Kalunga akukisule, ndumbwami walunga. Ove pambo unalingi vyuma vyavinene mu chiyoyelo chove; ove uli nakulinga vyuma vyavinene ove kanda lyehi ulinge, jino, imanyinako Kulishitu.

¹³⁶ Ove Tata wa Mwilu, mbuto yinaholoka ha mavu amwe, uno musana. Etu twamono Kuyoya kulovoka. Malunga na mapwevo kwimana hamahinji avo, kaha kumona cha liso lya Kalunga, Uze apwa apwako, atachikiza vyosena, wa ngolo josena, uli nakuvamona. Vakiko vanapu Vove, Tata. Nguli nakuvahana kuli Ove jino, nge vyuma vyavilemu.

¹³⁷ Echa echi kuliwana vakiko kwimana haze jino, kutachikiza chuma muka vakiko vanalingi, kutachikiza omwo echi chalumbunukila, nge vakiko vanema na kusolola kwimana chavo na ava vaavandende vakutoleka va Mwata. Echa vakiko vatwalileho kupwa lika mumuchano palanga na kulize Likumbi vakiko navakemana Kumeso Ove, kahajino lize Lizu lyamwaza nalikaya nakuhanjika, “Eyo, likumbi limwe mu Baton Rouge, mokomoko kuchihela chimwe chachindende vavuluka Denham Spring, ikiye ikiye Angwimanyineko, Tata, jino Nanguya nakumwimanyinako, mokokomoko ou pwevo.” Tuhanecho echi, Mwata. Vakiko vanapu Vove, mu Lijina lya Yesu. Amena.

Kalunga akukisule, hakwimana chove. Kalunga aku... .

¹³⁸ Jino ngulinge chuma chimwe. Wana, kachi ove uli vene hano hali ava mapashita, tala mwamundende, hanjika kuli vakiko. Kachi ove kanda vakujimikeho, mu kujimika cha Ukulishitu, linga ngocho. Liwane ove lyavene hakachi ka vakakufwelela jino, vakakufwelela vamwenemwene, keshi vakakulifwanyisa kufwelela ko; vakakufwelela vavene.

Shimbu etu tuli nakulomba, echa tulombelele awa malesu.

¹³⁹ Tata wa Mwilu, awa malesu alinakuya jino; kuze, Ngunahono kutachikiza. Pamo vamwe kashinakaji wakapuputa nge tata ou natwame kuze chana kumwe, ali nakuvandamina lilesu lyenyi; kemba wamundende nasavala kuze mukahela ka chipatela; naye nemana, nakuvandamina, kuvandamina kukinduluka cha lilesu. Tata wa Mwilu, Ngwalombo nge Ove unyenga hamwe nawo. Kaha kupwa katachikijilo ka Kupwa Chove lelo, kaha lufwelelo Lwove nge omu tunanangula Lizu Lyove, pamo luze lufwelele lwapwilenga muli Apalahama, na luze lufwelelo luze lwejile na kutuhana lwo etu hali Yesu Kulishitu, echa luyenga hamwe na awa malesu na kuka kala umwe oho navakahaka eli lilesu. Etu twawatumu, mu Lijina lyu Yesu. Amena.

¹⁴⁰ Jino chindende kaha, shimbu etu natusanyika mukana wakulombelela. Uze wangolo josena na undume wa Kalunga, uze Umwe wamunene, uze Umwe apwa mwosena...Mwane, masepa, Nguli—Nguli nakuya nakuputuka kulombelea vakakuvisa, kaha Nguli...Pamo, omwo etu natwiza okwo, Ngu—Ngunahase pamo nanguya nakuhanjika chuma chimwe kuli ove; vamwe muli enu pamo namuya kulutwe lwa lwola. Kalamwosena omwo muli, kachi enu kamweshi kwimanako, kunyima okwo, kaha ove kaweshi wakukunyukako... .

¹⁴¹ Kachi ove wapwa u membela wa liuka, chinapu chuma chamwaza, oloze chize kacheshi chuma cha mwazako. Talenu, uze lihando wamukweze apwile membala wa liuka. Talenu? Ikiye ahlilile Yesu chuma muka ikiye mwaya nakulinga nakupwa na Kuyoya cha Hayamyaka. Ikiye kachitavileko Chize. Ikiye atambukile nakuya. Chuma kana chauleya kuli uze mukweze kulinga ngana. Kanda kumbata chihela chenyi. Enu anukenu lwola lwamakumishilo ikiye alisolwele? Chindende cheka, ikiye ahashile. Ikiye apichile chikuma. Ikiye ahetele na haseteko yakupwa na visete vyenyi kupuzuka. Oloze jino etu tuwane katachikijilo kenyi, mu hetese, milangi nakulyalanga. Kanda, kanda kwecha chize kusoloka kuli ove. Mwitavile Kulishitu.

¹⁴² Enu vathu vachikweze, enu vakweze ja mapwevo vavanyike, vakweze va maluga, haze vene hakwalumuka cha chiyoyelo, mwane lingenu omu. Ngwivwulile, kupwa—kupwa ndumbwenu waluga, umwe uze amizanga. Ngulihano mwomwo Ngwamizanga. Ngwazanga Kalunga, kaha Ngwamizanga, kaha

Kangweshi kuhasa kuzanga Kalunga kachi Kangwamizanga ko enu.

¹⁴³ Chamwaza, kachi enu namupwa navyakuhanjika, hanjikenu na mwanami walunga ali okwo, mokomoko kuli umwe hali vanavami. Echa yami ngulinge kaha... Kangweshi, Kangweshi kuya chakuzeneka echi. Kala chisemi mwaya nakulinga omu; shikaho mukiko na Kalunga. Talenu? Kuzanga vathu jenyi. Kuzanga umwe namukwavo.

¹⁴⁴ Ove nauhanjika, “Chumamuka ove nauvahanjikila?” Zangi yamwenemwene yeji kwolola.

¹⁴⁵ Kachi mwanove natwame mumukwakwa; ove nauhanjika, “Chamwaza, Junior uze natwame muze. Ikiye katela kulinga muzeko, oloze Kangwatondele kumunyengetesa ko.” Ove kawamuzangako. Ikiye navamujihila muze vene. Kachi ove wamuzanga ikiye, ove muya nakumufumisamo nakumupakalisa jimbanda. Ove muya nakumulingisa ikiye kwononoka.

¹⁴⁶ Muze mukiko mujila Kalunga eji kulinganga. Zangi yeji kwolola, kaha ikiko zangi ya mwenemwene.

¹⁴⁷ Nge mukakunangula nemana kaha nakumwecha enu mapwevo kuteula jikambu jenu, nakuvwala kulikwita ulombo na vyangocho, kaha kate kumyolola, kaha kakweshi zangi ya mwenemwene; kaha keshi kuhasa kuyivulukako. Kaha echa malunga munambate kapapa katatu mokomoko kawana, kaha navyuma vyosena, nakutwalilaho, muze kamweshi zangi ya mwenemweneko. Echa ove ulinunge na liuka, kaha kukuveta hanyima, kukuvendejeka na vinangwilo vimwe, hanjika, “Mukiko kaha ove watela kulinga, kuvangila kulinunga na liuka lya kujila,” muze kamweshi zangiko. Mokomoko, chipwe, uze lunga najimbala chikupu, lyavene, ikiye keshi nakumonako.

¹⁴⁸ Zangi ya mwenemwene yeji kwolola, kaha nakukuneha cheka ku Lizu lya Kalunga.

¹⁴⁹ Tala hali Yesu, omu, chumamuka Ikiye ahanjikile, mwomwo Ikiye avazangile, chikuma kuheta na haseteko Ikiye kufwila muchihela chavo, omwo vakiko vapwilenga nakusanyika ha Manyinga Enyi.

¹⁵⁰ Jino echa uze Shipilitu Wajila wamunene... Ngwatondo kuvandamina munyutu kaha. Nguli nakuvandamina palanga kuwavisa cha Shipilitu Wajila yipwenga hali yami, shimbu kanda etu tuputuke. Ngunapunga nakunangula. Ngwasakwilila, hakulikata chenu.

¹⁵¹ Jino, etu vosena muno, kwosena okwo muli, kwosena muno muzuvo, lomba kaha chindende ha munyutu, hanjika ngwove, “Mwata Yesu, ngukafwe! Ngukafwe! Echa ngukwate ku chikuto Chove” Yesu ambile ngwenyi, munatachikiza, omwo uze pwevo akwachile ku chikuto Chenyi, Ikiye kachivwileko, mumujimba, oloze Ikiye alumukile na kutachikiza uze pwevo na uze pwevo

na chuma alingile. Ikiye ali youmwe Yesu uno musana, uze Kapilishitu Wakulitulaho vanahase kumukwata na kwivwa cha kukemenena chetu.

¹⁵² Enu mwafwelela, enu vosena jino, ou muchano, nge Kalunga uze ashikile elu lushiko, cheka nawa (kaha echa Ikiye achisolole) nge etu tuli nakuyoyela mumakumbi a Satome? Vangahi vafwelela echi, muno muzuvo, kaha katula livoko lyove.

¹⁵³ Etu tuli nakuyoya, nge omu chapwilenga, mu Satome. Kaha zachiso yosena vineza nakupwa yakulyenyeka, zachiso ya kaye, vyuma vyosena, zachiso ya liuka, zachiso ya milingu. Kakweshi chuma chimweko. Milingu yinalyenyeka. Jizachiso, kwosena, vakakuyula mwaya michima yavo, vyosena vinalyenyeka. Eli liuka lineza nakupwa mujila yoyimwe. Visaka vineze nakupwa mujila yoyimwe. Chinapu kulyenyeka, Satome!

¹⁵⁴ Kahajino, anuka, Kalunga akwechi echi kumeso enu, kahajino anuka Ikiye ambile ngwenyi Ikiye mwakaya nakulimanyina Lyavene mu mujimba wanyama, kaha mwakaya nakulinga nge muze Ikiye alingile mu Satome, shimbu kanda Mwana ezenga nakusoloka. Ikiye ashikile kutuma umwe mwakaya kulutwe lwa uze Mwana, nge omu Ikiye alingile muchihela chatete, chize nachiya nakusolola; kaha Ikiye ambile ngwenyi, “Omwo Mwana muthu navakamusolola.”

¹⁵⁵ Kangwakutachikizako ove. Chamwaza, Mujike Thompson, uze ukalu wakuupwevo na kukaluwisa chacho, ove wafwelela nge Kalunga mwaya nakukulingisa kupwa kanawa? Unahase ove kufwelela echi? Ove nauhasa? Mujike, Mujike Thomas, ove wafwelela Ikiye mwaya nakukulingisa ove kupwa kanawa? Zundula mavoko ove, jino.

¹⁵⁶ Kuze kuli pwevo wakalemesa natwame kuzevene kunyima yayove. Ikiye ali nakulomba. Ikiye akwechi kutenda muvifua.

¹⁵⁷ Umwe natwame kwakamwihi na ikiye, ukalu wa mujimo, kulomba nawa. Ove uli nakuya nakujimbalisa echi, nge kaweshi kutala kanawako. Ove kawafuma hanoko. Ove wafuma ku Mississippi. Enu munapu Lunga. na Pwevo. Iya Stringer. Kachi ove wafwelela na muchima wove wosena, Yesu Kulishitu mwaya nakukulingisa kanawa. Kachi ove nauya nakufwelela echi. Ove wafwelela? Kahajino ove chitambule. Eyo. Zundula mavoko ove mangana vathu vakumone.

¹⁵⁸ Ngunahono kutachikiza ava vathu. Kanda lyehi nguvamone, muchiyoyelo chami. Ove watela kufwelela, sepa. Ikiye kulisolola Lyavene. Enu wafwelela echi, na muchima wenu wosena?

¹⁵⁹ Mwomwoika ove unanyikisa mutwe wove, mwane, nakutala hali yami ngachize? Eyo, mwane. Mwomwo ove unalingi ngachize, Nguli nakuya nakuhanjika naove mu munyutu. Ove unapu umwe wakukula lunga wautongwe unatwame muno wene, nakutala hali yami. Ikiye atalanga hali yami, na kushishika chosena. Ikiye nafwelela echi. Ove wapwangwa

nakulombela muthuumwe uze ali na kalepa. Oloze—oloze chuma chivene ove wapwanga nakulombelela, ove unatondo, ove uli nakusakasaka lujimika Iwa Shipilitu Wajila. Echi chakwoloka. Hu-huu. Echi chakwoloka. Kachi ove wafwele echi! Ove pwevo wakalemesa, uli nakusakasaka milimo. Kusali ya chize, mangana ove utachikize nge Ngukapolofweto ka Kalunga, mokomoko ngamba, ove wapwanga nakupula chivali. Chize chinakusela ove kuzeya. Jiseteko josena, ukalu wa mushipilitu. Ngwatondo kukulweka mwosena. Lufwelelo lwove lunakulingisa ove kupwa kanawa.

¹⁶⁰ [Hatepu hapimbi—Muka]... natwame wakulihata na ove. Ikiye ali nakulomba. Tala kuno. Ikiye nakwivwu, kaha ove unakwate kuli Ikiye. Kangwakutachikizako, oloze Ikiye akutachikiza. Nanguya nakukulweka vyuma wapwanga na kulomba. Ove unafwelela na muchima wove wosena? Ove ukwechi ukalu wanyangwa, ove uli nakulomba. Ove wafwelela nge Kalunga mwaya nakukuhindula nakukulingisa ove kupwa kanawa? Ove wapwa Pwevo. Iya Smith. Echi chakwoloka. Zundula livoko lyove.

¹⁶¹ Talenu, Ikiye nalisolola Lyavene. Chuma muka echi? Napu Mbuto ya Apalahama, ha lufwelelo, lufwelelo luze Apalahama apwilenga nalwo, Mwata Yesu Kulishitu mukachi ketu, kwijikiza Lizu Lyenyi, na vinjikizo kuvakavangiza.

¹⁶² Hiya, makati angahi atela kuwalombelela, zundula mavoko enu, ukwechi kati yove? Mamalelo, etu tunatela kuputukako kulombela mukana.

¹⁶³ Munamono, munevushisa nyi chiku? Jino ize shipilitu keshi kaha... Chize kachahindulako. Chize chili kaha na kumusolola Ikiye kupwa hano. Mapashita jenu vali ngolo jojimwe ja kulombelela vakakuviza. Vakiko kavalinga muzeko; nduma, punduvene nduma. Oloze vakiko—oloze vakiko veji vali na ngolo jojimwe, “Evi vinjikizo navikakavangiza vakakufwelela.”

¹⁶⁴ Jino Ngwatondo masepa pashita hano. (Echi keshi chakwolokako, kusanyika kufuma mulikungumbuwa...?...)

¹⁶⁵ Vangahi mapashita hano vafwelela namuchima wosena, vakakuzata muno, mwafwelela? Mamalelo, ngwakusakwilila. Ngwalikomokela kachi ove myua nakwimana? Twaya kuno, imanenu munyutu kaha, hanovene mumavu, kulombela vakakuviza. Twaya vene kuno hano. Jino enu talenu omwo kuka nachisoloka, talenu chuma muka nachisoloka.

¹⁶⁶ Ngwatondo ove wezenga, kufwana nge—nge mifunda hano vene. Nguli nakwiza vene okwo chindende, kulombelela vakakuviza. Ngwatondo mapashita vakufwelela vaze vanatondo kulisolola nge navakiko vakakufwelela, nge enu mwafwelela, nge kwiza chenu kuno, ove uli nakuseza mwajila, muchiyoyelo chitoma. Anuka, tala hano chuma muka chili nakulovoka, kwimanyinako Mujimbu wa Kulishitu!

¹⁶⁷ Ndumbu walunga Blair, Ngunatachikiza ove, ove mokomoko Ndumbu walunga Pat. Munahase kutunga mukana wa kulifutula mujila mweji kulinganga, kachi namuhasa, ove na Ndumbu walunga Pat.

¹⁶⁸ Mapashita vakufwelela vaze navaya nakufwelela! Jino, tala, kachi Kalunga nhase kulisolola Lyavene na Lizu Lyenyi, na Lizu Lyenyi, vangahi vatachikiza nge eyi yinapu Mbimbiliya, Yesu ikiye ahanjikilemo, “Evi vinjikizo navikavavangiza vakiko vaze vakakufwelela. Kachi vakiko navahaka mavoko hali vakakuviza, vakiko navakayoya”? Mapashita, enu muneza kuno nakulisolola enu vavene kupwa vakakufwelela. Keshi ngochoko? Enu munapu vakakufwelela (keshi ngochoko?), enu kachi kamwemanyine kunoko. Jino chuma muka ahanjikile Yesu? “Evi vinjikizo navikavavangiza vakakufwelela.” Ngu mukakufwelela hamwe na yenu.

¹⁶⁹ Nguli nakushikumuka. Ava vanapu vathu jethu, kaha etu tunapu tutufunga hali awa mautanga. Nguli nakushikumuka nakumbila lyoji lyami na enu jino, nakuhaka mavoko ami na enu. Kaha omwo ava vathu omu naveza, kachi enu muli nachuma chimwe chize chili nge kukakasana mu wongo wove, chifumisemo hano vene; mangana omwo vathu naveza veza, kahajino umwe na umwe hakwiza, kaha etu natuhaka mavoko hali vakiko, kaha vakiko navahinduka. Namuya nakufwelela na muchima yenu jino, vosena?

¹⁷⁰ Vangahi muno vali nakuya nakulombelela vakwavo omwo vakiko vali nakuhita, zundula livoko lyove, “Nanguya nakupwa nakulombelela.”

¹⁷¹ Anuka, nhase kupwa iso, noko, mwanove wapwevo mokomoko walunga, ndumbwove wapwevo mokomoko walunga. Kaha kachi oveko, chinapu weka, ue ali nakwiza nakuhita muli ou mukana. Kaha nachipwa ngachilihi nge vapwanga vakiko, kaha vakiko vapwanga nakufwa na kansa, mokomoko musongo waipi, kumana ove kachi kawatondele malunga vakushishika mukachi ka muchima? Punduvene, kachi tunatondo.

¹⁷² Jino, Ngwafwelela, nauya nakulinga ngachilihi... Jino ava *hano* enu muli *hano*, eli lizavu, imanenu kusali *oku*, na kati yakulombelela. Imana kusali kuze, vosena vali kusali eyi ya chilyo. Jino, mujila, kwata kusali ya chimoswe; etu tuvosena twalishindakana, mwamono, kaha ove unahono kutachikiza omwo, chuma muka tuli nakulinga. Chosena chakwoloka, vosena vali muli *eyi* sali, imanenu *kuno*. Jino, vyosena vili kulivoko lya chilyo, twayenu hichilenu *oku*, mwomwo muli nakuya nakwiza nakushikumuka, twayenu jingulukenu.

¹⁷³ Kaha namuya ngachili, navaya nakulovoka ngachilihi, Ndumbu walunga Borders? Oku vene kusali ya chikolo, twayenu vene nakujinguluka na kwingila cheka muno muzuvo.

¹⁷⁴ Shikaho, nge sali *eyi* navaya nakuyisanyika, muminyutu yayindende thuhu, kaha vakiko navaya nakwimana. Kaha echa tumone jino chumamuka . . . Chosena chakwoloka, vaze muli *eyi* sali, alumukenu kusali *eyi* kuno. Kwata kati yove yakulombelela, yenu kusali ikwavo. Kaha enu muli musenge, tambukenu nakushikumuka nakuliwana navakiko kusongo ya uno mukana hano. Jino ava vali kusali *eyi* ya chimoswe, yenu cheka kusali ya chimoswe. Kaha jino, mwamono, enu tungenu mukana na kuya kunyima *kuze*; alumukenu kunyima, alumukenu *ngana*. Talenu? Kaha enu namuya nakukavangiza ou makana nakujinguluka, kahajino etu katweshi kuya nakupwa nakulifutulako.

¹⁷⁵ Kaha jino enu muli musenge, wayisena kaha vihela vyenu kanawa omwo mwakuhichila, kaha ingilenumo vene shimbu vakiko valinakuhita.

¹⁷⁶ Jino, jino mutukenuko kutambuka kuya kunyima, enu vosena, tambukenu nakuya kunyima palanga enu namuliwana naou mukana uli *kuno*. Twayenu kaha kuno, kandukenu *kuno*, putukenu kaha kutambuka nakujinguluka na kwiza kuli ou mukana uli *hano*.

¹⁷⁷ Mamalelo, chuma muka nachisoloka hano vene! Chuma muka nachisoloka! Elu naluya nakupwa lwola luze nalulingisa chumachimwe kuya nakusoloka. Chosena chakwoloka.

¹⁷⁸ Jino, echi chakwoloka, yako kunyima nakujinguluka *ngachize*, kaha yako kaha mumukana, nge ngachize. Yako nakujinguluka muze mwakuhichila. Mukiko kaha jino.

¹⁷⁹ Kaha jino omwo enu munemana, muthu wosena hamahinji enu, etu tuli nakuya nakulomba. Kaha echi chikungulwilo nachiya nakulomba na yami hamwe, nge enu muli nakuya nakupwa kanawa. Pwenu kaha na lufwelelo jino. Kaha kanda . . .

¹⁸⁰ Twayenu nakujinguluka, kuputukila kunyima, twayenu kaha nakujinguluka na kulinunga naou makana kunyima *kuno*. Twayenu nakujinguluka, tungenu muka umwe waunene. Twayenu *kuno* vene jingulukenu *ngachize*, nakutunga mukana umwe. Mukiko kaha.

¹⁸¹ Muthu wosena pwako mukulomba. Pwako vene mukufwelela jino. Kaha kanda kaha mutala halikungumbuwako jino. Anuka, etu tuli—etu tuli vakujingilika na Kupwa cha Yesu Kulishitu, kukundamina hali etu kuvumbika chuma Ikiye nalingi mukachi ketu, hakupwa na lufwelelo mu Lizu Lyenyi.

¹⁸² Echi chamwaza. Jino nachiya nakupwa kanawa. Ngwashinganyeka uze mukana uli nakwingila kanawa echi chamwaza.

¹⁸³ Jino shimbu vakiko navaya vosena nakwimana, Ngwatondo kala muthu jino, muno muzuvo, kunongama mutwe.

¹⁸⁴ Mwata Yesu, echi linwaha chisoloke. Kusakula chatekupwako hano vene. Etu twafwelela nge Ove uli hano? Etu twakuzanga Ove? Tuli na lufwelelo, Mwata, vinatemo lyehi evi tuli nakuya nakulomba? Ava vathu valinakulisolola vavene ha kwimana mumukana. Mwata, kanda echi nachipwa chaufwefweleketeko. Echa chipwenga, Mwata, omu navahita hano, wosena vahite nge omu vakiko vapwilenga nakuhita kwishi ya Kulishitu, mwomwo etu tunatachikiza Ikiye ali hano. Kaha etu twalombo nge vakiko navaya nakutambula kuka chavo. Ngunapu wakukunyuka nge namumilungu na milungu ili nakwiza, ava vathu navaya kuli mapashita javo, mapwevo vaze vali naukalu kuupwevo wavo, ukalu wamujimo, malunga vali naukalu wakajikila, kala maukalu osena, vayenga nakupwa kanawa, nakuhanjika, “Munatachikiza, chize chuma chinangufumu,” mwomwo vakiko vali Kumeso Ove. Echa vakiko vezenga nakuhita jino na—na nakumbata vize Ove wavafwililile. Vakiko vanapu Mbuto ya Apalahama, kaha Ove wavafungulwilile vakiko. Echa vakiko vezenga nakutambula vyuma Ove unavahane vakiko.

¹⁸⁵ Kaha, Satana, ove vanakufukununa muli ou mulungu, palanga nomu mukatachikiza nge ove uwakuhashiwa. Yesu Kulishitu akuhashile haze ha Kavali. Ikiye asangukile ha likumbi lya muchitatu, kutuvulukila kwoloka, kaha Ikiye emana mukachi ketu jino. Kaha lufwelelo lwetu lwatala kuli Ikiye, kaha lwafuma kuli ove mokomoko kuyyosena ove unalingi. Seza vathu ava, mu Lijina lya Yesu Kulishitu.

¹⁸⁶ [Hatepu hapimbi—Muka.] . . . ? . . . Etu twalingi nge omu Mukulwane atulwekele kulinga. Vangahi muli enu vahitanga mumukana, vanafwelela nge ove myua nakupwa kanawa, zundula livoko lyove. Ngunalinungu na lyenu.

¹⁸⁷ Chuma etu tuli nakulinga hano, kumakumishilo, nge lizavu lya vakakuzata hano; vavavulu veka vapwanga vakakuviza, Ngwachitachikiza, oloze vakiko vali nakweseka kuhaka ngolo javo josena kulingisa vikungulwiyo vyavo kwingila, chipwe navangila mokomoko nduma. Vaze vakiko tufunga vamwenemwene. Kaha Shipilitu Wajila ambile kuli yami ngwenyi, “Mwomwo vakiko kulinunga mavoko na umwe namukwavo.” Etu twakasanga michima yetu na kuyitunga hamwe, kaha malombo etu, hamwe.

¹⁸⁸ Yesu, valingise kupwa kanawa, nawa. Kaha valingise kupwa tufunga vakuzama, vakuzama mu Lizu lya Mwata.

¹⁸⁹ Echa Kalunga, vandumbwami, echa Ikiye amihane kufwila cha michima yenu. Echa enu mumuzachile Ikiye makumbi osena, kaha pwenu na ngolo ja Kalunga muviyoyelo vyenu, cha kuzachila ava vathu vamwaza. Echa Yesu Kulishitu, Uze natupanga na etu, kaha ali naenu lwola lwosena, echa Ikiye

Lyavene apwenga lika nayenu kuhambakana Ikiye omu napunga naenu kunyima.

¹⁹⁰ Enu vathu, enu vamwe munapunga nakalepa, munahase kuhona kumona chihandwa kufuma hano, enu munahase kuhona kumona chihadwa. Tala omwo Apalahama alingile. Kanda kupwa nachihandwako; echize keshi chikiko ove uli nakutalaho ko. Ove kanda kutala ha vinjikizo vyoveko. Tala ha chuma Ikiye ahanjikile. Kachi ove muhanjika, “Nguchili nakwivwa kukola,” chize kacheshi chumako. Ove unalingi chuma Kalunga ambanga ngwenyi linga. Talenu, kanda kutala hali chizeko. Tala hachuma chize Ikiye ambile. Kalunga ahanjikile ngocho! Ngwafwelela echi. Keshi ngochoko? Na muchima wami wosena, Ngwafwelela echi.

¹⁹¹ Ou Mwata Kalunga amikisule palanga nomu Nangukamimona cheka. Kulomba chami chili hali enu; ufuku kanda kulava chikumako, vula kanda unoka chikumako. Nanguya nakumilombelela. Enu ngulombelelenuko. Palanga nomu natukaliwana cheka, Kalunga amikisule. Jino ndumbu mukakufunga hano, talenu.



KUHETA CHIKOLO CHA MUKAKOLE HANYIMA YA CHESEKO LVE64-0322
(Possessing The Gate Of The Enemy After Trial)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chalumingo na musana, Kuwana 22, 1964, ku Denham Springs High School mu Denham Springs, Louisiana, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org